

POUAKA WHAKAATU KOREUTU NGĀ WHAKARŌPŪTANGA ME NGĀ TOHUTOHU KAIMĀTAKITAKI

E herea ana ngā kaiwhakapāho pouaka whakaatu koreutu e i Aotearoa ki te whakarōpū tika i ā rātou hōtaka (arā, ka hoatu he whakatauranga ki tēnā, ki tēnā), ā, me whakaatu i te wāhanga wā tika. Ko ngā whakarōpūtanga e whai ake me whakapāho ki ngā ihirangi katoa engari kaua ki ngā pitopito kōrero, take o te wā, hākinakina me ngā ihirangi mataora. Me whakaatu ngā whakarōpūtanga i te tīmatanga o ia hōtaka, ā, mō te M, te 16 me te 18, me whakaatu hoki i te tīmatanga o ia wā whakatairanga. Me whakauru ngā whakarōpūtanga me ngā tohutohu kaimātakitaki i ngā aratohu hōtaka tāhiko, tā katoa hoki. Me whakamahi ngā kaiwhakapāoho i tētahi tohutohu kaimātakitaki hāngai, mēnā he nanape, ahotea, hara rānei pea ki ētahi kaimātakitaki tokomaha, kei waho rānei i ngā tūmanakotanga o ngā kaimātakitaki. He rāhuitanga kei te wā ka taea te whakaatu i ngā hōtaka M, 16 me te 18.

NGĀ WHAKARŌPŪTANGA

Mō te take o ēnei whakarōpūtanga, ko te tikanga o te **tamaiti** ko te tangata kei raro i te 14 tau te pakeke.

G

WHĀNUI: E WHAKAAEHIA ANA MŌ TE MĀTAKITAKI WHĀNUI

Ko ngā hōtaka e whakakore ana i ngā ihirangi kāore e hāngai ki ngā tamariki. Ehara i te mea mā ngā tamariki ngā whakaaturanga engari kāore he ihirangi e whakararuraru ana, e ahotea rānei i a rātau.

Ka taea te whakaatu ngā whakaaturanga G i ngā wā katoa.

PG

ĀRAHITANGA Ā-MĀTUA: E TAUNAKIHIA ANA NGĀ ĀRAHITANGA Ā-MĀTUA MŌ NGĀ KAIMĀTAKITAKI RANGATAHI

Ko ngā hōtaka whai ihirangi mō ngā kaimātakitaki pakeke ake engari ehara i te mea kāore i te pai ki ngā tamariki kei reira he matua, pakeke rānei hei ārahi.

Ka taea te whakaatu ngā hōtaka PG i ngā wā katoa.

M

NGĀ KAIMĀTAKITAKI PAKEKE: E TIKANA ANA MŌ NGĀ KAIMĀTAKITAKI PAKEKE 16 TAU, NEKE ATU

Ko te tikanga o te whakarōpūtanga M, tērā pea he whakarekereke, he hōkakatanga, he reo hara, he kaupapa pakeke, he kirikau, tētahi atu ihirangi ka uaua pea ki ngā tamariki me ētahi mātua. Kei roto pea i te hōtaka ētahi ihirangi me tētahi pānga āhua kino me ngā kaupapa e tika ana mā te tirohanga pakeke.

Mō te pouaka whakaata koreutu, ka taea te whakaatu i ngā hōtaka M i waenga i te 9am me te 3pm i ngā rā mahi (engari rawa i ngā hararei kura, tūmatanui hoki, e ai ki Te Tāhuhu o Te Mātauranga), ā, i muri i te 7.30pm tae rawa ki te 5am.

16

16: KIA KAUA TE HUNGA I RARO I TE 16 TAU E MĀTAKITAKI

Kei roto pea i ngā hōtaka kua whakarōpūtia hei 16 ētahi ihirangi taikaha, āhuatanga motuhake rānei kei waho i te whakarōpūtanga M. Tērā pea kei roto i ēnei hōtaka te nui ake o ngā ihirangi hōkakatanga, te reo hara, te whakarekereke motuhenga, me ētahi kaupapa pakeke taikaha ake.

I runga i te pouaka whakaata koreutu, ka taea te whakaatu i ngā hōtaka 16 i muri i te 8.30pm, tae noa ki te 5am.

18

18: KIA KAUA TE HUNGA I RARO I TE 18 TAU E MĀTAKITAKI

Kei roto i ngā hōtaka kua whakarōpūtia hei 18 ētahi kaupapa uaua, kino rānei ki ētahi kaimātakitaki pakeke pea.

I runga i te pouaka whakaata koreutu, ka taea te whakaatu i ngā hōtaka 18 i muri i te 9.30pm, tae noa ki te 5am.

NGĀ TOHUTOHU KAIMĀTAKITAKI

C

KA HARA PEA NGĀ
IHIRANGI

L

KA HARA PEA TE REO

V

HE WHAKAREKEREKE

S

KA HARA PEA NGĀ IHIRANGI
HŌKAKATANGA

Mēnā ka nanape pea, ka hara rānei he hōtaka ki ngā kaimātakitaki tino tokomaha, he tino rerekē rānei ngā ihirangi whakaaturanga ki tērā e tūmanakohia ana e te hunga mātakitaki, me whakaatu hoki he tohutohu kaimātakitaki ā-tuhi, ā-waha rānei e hāngai ana i runga mata.

HŌTAKA WHAKARŌPŪTANGA KORE

Ko ngā pitopito kōrero, take o te wā, hākinakina me ngā ihirangi matawā kāore i raro i te whakarōpūtanga, he wehe kē nō te āhua. Engari, me mātua mōhio ngā kaiwhakapāho ki ngā hiahia o ngā tamariki me ētahi atu paerewa whakapāho me te whakauru tohutohu (arā, he whakatūpato) ina tika ana.

MĒNĀ HE PĀTAI ANŌ ĀU MŌ NGĀ WHAKARŌPŪTANGA, MŌ TE WHAKAMAHINGA RĀNEI O NGĀ TOHUTOHU KAIMĀTAKITAKI I RUNGA I TE POUAKA WHAKAATA KOREUTU, TIROHIA TE WWW.BSA.GOV.T.NZ WAEA RĀNEI I TE BSA I TE 0800 366 996